

Band 2

H. I S. 36

1294 März 1.

[74

Der Knappe Heinrich von Calden bekennet, daß er von dem Kloster Helmarshausen zwei Mansen in Exsen (bei Trendelburg) gegen Zahlung einer jährlichen Rente erhalten hat.

Ego Henricus de Calden famulus tenore presentium profiteor et protestor me a venerabili domino meo Johanne, abbate in Helmwardeshusen, necnon et a conventu ibidem duos mansos in Exsen iure pensionario suscepisse ita sane, quod singulis annis dabo magistro karitatum ibidem in festo beati Michaelis duos solidos denariorum gravium, sive recipiam aliquid de ipsis mansis sive nichil. Et adiecto, quod si ego aut heredes mei, qui manu unanimi dictos duos mansos mecum, susceperunt, dictos duos solidos in festo beati Michaelis prenotati solvere neglexerimus aut casu quocumque superveniente solvere contradixerimus, iidem duo mansi ad dominum abbatem atque suum conventum prescriptos sine aliqua aut heredum meorum contradictione redibunt liberi et soluti. In cuius rei testimonium presentes literas eidem domino meo abbati et conventui prenotatis dari procuravi sigillo nobilis domini Ludolphi comitis firmiter roboratas. Presentes Conradus de Markessen, Johannes de Calden, frater meus, Henricus de Osthem famuli una cum toto conventu supra-dicto Actum et datum Kal. Marcii anno domini M^o.CC^o.XC^{mo} quarto.

Orig. Siegel ab. — Zu den Gütern vergl. Pfaff, S. 129.